

Կ Ա Ր Գ

ՊԵՍՏԻՑԻԴՆԵՐԻ ԵՎ ԱԳՐՈՔԻՄԻԿԱՏՆԵՐԻ ՊԵՏԱԿԱՆ ԳՐԱՆՑՄԱՆ,
ՎԵՐԱԳՐԱՆՑՄԱՆ ԵՎ ԳՐԱՆՑՈՒՄԻՑ ՀԱՆԵԼՈՒ

1. Սույն կարգով կարգավորվում են Հայաստանի Հանրապետությունում պեստիցիդների և ագրոքիմիկատների պետական գրանցման, վերագրանցման և գրանցումից հանելու գործընթացի հետ կապված հարաբերությունները:

2. Հայաստանի Հանրապետությունում պեստիցիդների և ագրոքիմիկատների պետական գրանցման համար Մանդամթերքի անվտանգության տեսչական մարմին (այսուհետ՝ լիազոր մարմին) է ներկայացվում հայտ, ինչպես նաև «Բուսասանի-տարիայի մասին» օրենքի 6-րդ հոդվածի 5-րդ մասով սահմանված փաստաթղթերը: Հայտը ներկայացվում է թղթային կամ էլեկտրոնային տարբերակով՝ լիազոր մարմնի պաշտոնական էլեկտրոնային հասցեին:

3. Հայտն ստանալուց հետո լիազոր մարմինն ուսումնասիրում է հայտին կից փաստաթղթերի ցանկի ամբողջականությունը: Եթե հայտին կից փաստաթղթերի ցանկն ամբողջական չէ, ապա լիազոր մարմինը հայտը ստանալուց հետո երեք աշխատանքային օրվա ընթացքում այն վերադարձնում է հայտատուին՝ վերջինիս կողմից փաստաթղթերի ցանկը համալրելու և կրկին ներկայացնելու նպատակով, իսկ փաստաթղթերի ցանկն ամբողջական լինելու դեպքում այն հանձնում Հայաստանի Հանրապետության կառավարության որոշմամբ ստեղծված հանձնաժողովի (այսուհետ՝ հանձնաժողով) քարտուղարին, վերջինս էլ երեք աշխատանքային օրվա ընթացքում դրանք տրամադրում է հանձնաժողովի անդամներին:

4. Հայտատուի կողմից համալրված փաստաթղթերը լիազոր մարմին ներկայացնելուց հետո այն տրամադրվում է հանձնաժողովի անդամներին՝ սույն կարգի 3-րդ կետով սահմանված կարգով և ժամկետներում:

5. Հանձնաժողովը 14-օրյա ժամկետում քննարկում է պետիցիոնների և ագրոքիմիկատների գրանցման համար ներկայացված հայտը, դրան կից փաստաթղթերը, և եթե փաստաթղթերում հայտնաբերում է անճշտություններ, վրիպակներ կամ թերություններ, ապա հանձնաժողովի անդամներն իրենց դիտողությունները գրավոր ներկայացնում են հանձնաժողովի քարտուղարին՝ հայտատուին փոխանցելու և վերջինիս կողմից շտկումներ կատարելու և կրկին ներկայացնելու նպատակով: Հանձնաժողովի քարտուղարը հանձնաժողովի անդամների կողմից ստացված գրավոր դիտողությունները հայտատուին է ներկայացնում երեք աշխատանքային օրվա ընթացքում և հայտատուի կողմից լրամշակված և շտկված փաստաթղթերը ստանալուց հետո նույն ժամկետում դրանք տրամադրում է հանձնաժողովի անդամներին: Հանձնաժողովի անդամները լրամշակված և շտկված փաստաթղթերի վերաբերյալ դիրքորոշումը հանձնաժողովի քարտուղարին են ներկայացնում երեք աշխատանքային օրվա ընթացքում:

6. Հանձնաժողովի անդամների կարծիքներն ստանալուց հետո երեք աշխատանքային օրվա ընթացքում հանձնաժողովի քարտուղարը կազմակերպում է հանձնաժողովի նիստ:

7. Հանձնաժողովի նիստերը կարող են անցկացվել նաև հեռավար եղանակով:

8. Լիազոր մարմինը հանձնաժողովի նիստին պետիցիոնների և ագրոքիմիկատների գրանցման համար հանձնաժողովի դրական եզրակացությունն ստանալուց հետո եռօրյա ժամկետում ընդունում է որոշում պետիցիոնի և ագրոքիմիկատի գրանցման և Հայաստանի Հանրապետությունում օգտագործման համար թույլատրված պետիցիոնների և ագրոքիմիկատների անվանացանկում ընդգրկելու մասին և հայտատուին տալիս է սույն որոշման հավելվածի N 1 ձևով կամ N 2 ձևով հաստատված գրանցման վկայական:

9. Հանձնաժողովը պետիցիոնների և ագրոքիմիկատների գրանցման համար տալիս է բացասական եզրակացություն, եթե այն ներառում է Հայաստանի Հանրապետության կառավարության 2005 թվականի մարտի 17-ի N 293-Ն որոշման հավելվածով սահմանված նյութերից (քիմիական նյութերից և թունաքիմիկատներից) որևէ մեկը:

10. Լիազոր մարմինը հանձնաժողովի բացասական եզրակացությունն ստանալուց հետո երեք աշխատանքային օրվա ընթացքում տեղեկացնում է հայտատուին պետիցիդների և ագրոքիմիկատների գրանցումը մերժելու վերաբերյալ՝ նշելով մերժման հիմքերը:

11. Լիազոր մարմնի՝ պետիցիդների և ագրոքիմիկատների գրանցումը մերժելու վերաբերյալ որոշումը կարող է բողոքարկվել վերադասության կամ դատական կարգով:

12. Հայաստանի Հանրապետությունում պետիցիդների և ագրոքիմիկատների վերագրանցումն իրականացվում է «Բուսասանիտարիայի մասին» օրենքի 6-րդ հոդվածի 12-րդ մասի հիմքով՝ դրանց գրանցման կարգին համապատասխան:

13. Պետիցիդները և ագրոքիմիկատները գրանցումից հանվում են «Բուսասանիտարիայի մասին» օրենքի 6-րդ հոդվածի 14-րդ մասի հիմքով՝ առանց հանձնաժողովի եզրակացության՝ այդ մասին ծանուցելով տվյալ պետիցիդի կամ ագրոքիմիկատի գրանցման վկայական ստացած կազմակերպությանը կամ ֆիզիկական անձին:

14. Սույն կարգում օգտագործվող հասկացություններն ունեն «Բուսասանիտարիայի մասին» օրենքով սահմանված իմաստը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՆՆԴԱՄԹԵՐՔԻ
ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄԻՆ**

**Վ Կ Ա Յ Ա Կ Ա Ն
ՊԵՍՏԻՑԻԴԻ ԳՐԱՆՑՄԱՆ**

N _____

Սույն վկայագիրը տրվում է _____
(արտադրող կազմակերպության անվանումը, գտնվելու վայրը)
_____ -ին

Գրանցման ներկայացնողը _____
(կազմակերպության կամ ֆիզիկական անձի անվանումը, գտնվելու վայրը, հասցեն)

Համաձայն Հայաստանի Հանրապետության սննդամթերքի անվտանգության
տեսչական մարմնի ղեկավարի

_____ 20__թ. N_____ հրամանի _____

_____ (պետիցիդի անվանումը, ազդող նյութը, ազդող նյութի քանակությունը պատրաստուկի մեջ, պատրաստուկային ձևը)

պետիցիդը գրանցված և ընդգրկված է Հայաստանի Հանրապետությունում
օգտագործման համար թույլատրված պետիցիդների և ազդրոքիմիկատների
անվանացանկում N_____ -ի ներքո:

_____ 20__թ.
(վկայական տալու ամսաթիվը)

_____ 20__թ.
ուժի մեջ է մինչև

Հայաստանի Հանրապետության
սննդամթերքի անվտանգության
տեսչական մարմնի ղեկավար

_____ (ստորագրությունը)

Կ. Տ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՆԵՂԱՄԹԵՐՔԻ
ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄԻՆ**

**Վ Կ Ա Յ Ա Կ Ա Ն
ԱԳՐՈՔԻՄԻԿԱՏԻ ԳՐԱՆՑՄԱՆ**

N _____

Սույն վկայագիրը տրվում է _____
(արտադրող կազմակերպության անվանումը, գտնվելու վայրը)

_____ -ին

Գրանցման ներկայացնողը _____
(կազմակերպության կամ ֆիզիկական անձի անվանումը, գտնվելու վայրը, հասցեն)

Համաձայն Հայաստանի Հանրապետության սննդամթերքի անվտանգության
տեսչական մարմնի ղեկավարի

_____ 20__թ. N_____ հրամանի _____

_____ (ազդրքիմիկատի անվանումը, ազդող նյութը, ազդող նյութի քանակությունը պատրաստուկի մեջ, պատրաստուկային ձևը)

ազդրքիմիկատը գրանցված և ընդգրկված է Հայաստանի Հանրապետությունում
օգտագործման համար թույլատրված պեստիցիդների և ազդրքիմիկատների
անվանացանկում N_____ -ի ներքո:

_____ 20__թ.
(վկայական տալու ամսաթիվը)

_____ 20__թ.
նմի մեջ է մինչև

Հայաստանի Հանրապետության
սննդամթերքի անվտանգության
տեսչական մարմնի ղեկավար
Կ. Տ.

_____ (ստորագրությունը)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ